

文獻通考曰、本草之名始見漢書平帝紀樓護傳、舊經止一卷、藥三百六十五種、陶隱居增名醫別錄亦三百六十五種、因註釋爲七卷、唐顯慶中增一百四十四種、廣爲二十卷、謂之唐本草、蜀孟昶又嘗增益謂之蜀本草、

〔神農本草經〕上重輯神農本草經序

夫醫之有本草、猶學者之有說文也、藥性之有良毒、猶篆文之有六書也、未有不辨藥性而能爲醫者、亦未有不識篆文而能爲字者也、余○森立之從幼注意於本草學、日夜研究、殆卅年矣、每歎近世以本草爲家者、大抵奉李氏綱目以爲圭臬、不知古本草之爲何物、則其弊有不可勝道者焉、余嘗竊欲復古本草之舊、仍取證類本草讀之、而始知綱目之杜撰妄改、不足據矣、再校以新修本草、而又知證類之已經宋人刪改、不足信也、更以真本千金方及皇國醫心方、太平御覽所引校之、而知蘇敬時校改亦復不少也、於是反覆校讎、而後白黑二文始得復陶氏之舊、白黑二文得復陶氏之舊、而後神農之經、可以窺其全豹焉、遂就中採摭白字、輯爲四卷、攷經名以本草者、蓋謂藥物以草爲本、故說文解字云、藥治病草也、呂氏春秋孟夏紀云、是月也聚蓄百藥、高誘注、是月陽氣極、百草成、故聚積也、百藥既是爲百草所成、則可見藥物以草爲本也明矣、其玉石鳥獸蟲魚屬、亦謂之藥、則六書轉注之義、本經計藥品、每僂幾種、亦與此一例、本草釋云、藥之衆者、莫過於草、故舉多者言之、本草惟宗時後醫家千字文引韓保昇云、按藥有玉石草木蟲獸、而直云本草者、爲諸藥中草類最衆也、證類本草引此說是也、○中略

嘉永七年甲寅正月、福山森立之書於員山温知藥室中、

〔海外事類雜纂〕四 植學獨語

植學は本草と同じからざる事

江戸宇田川搨菴著

唐山にて、本草といふは、凡そ採て薬用とすべき者、水火土砂より、草木金石は勿論、牛溲馬勃敗鼓の皮に至まで載て遺すことなく、其物を辨識し、其等を品隲し、良毒を辨明する學問なり、然れど